



30. 12. 2021
14.00
1995
164

Bosnia and Herzegovina
Federation of Bosnia and Herzegovina

CANTON SARAJEVO
Prime Minister's Office

Broj: 02/01-04-40137/21
Sarajevo, 27.12.2021. godine

STRUČNA SLUŽBA VLADE KANTONA SARAJEVO
- o v d j e -

**PREDMET: Odgovor na zastupničko pitanje, dostavlja se,-
Veza: Vaš akt broj 01-04-40137-14/21 od 18.11.2021. godine.**

Poštovani,

Na nastavku 44. Radne sjednice Skupštine Kantona Sarajevo, održane dana 18.11.2021. godine, zastupnica Jasmina Bišćević-Tokić postavila je sljedeće pitanje:

"Upućujem zastupničko pitanje Vladi Kantona Sarajevo i Uredu za borbu protiv korupcije i upravljanje kvalitetom na osnovu kojeg propisa je premijer Kantona Sarajevo donio rješenje 01.07.2021. godine, kojim se Belmi Barlov v.d. direktoru Zavoda za izgradnju Kantona Sarajevo uvećava plaća u procentu od 20%. Da li je premijer ovlašten da donosi ovakvo rješenje, odnosno da li je on rukovodilac organa državne službe? Da li je Belma Barlov sama sebi predložila navedeno uvećanje obzirom da rukovodilac organa na prijedlog neposrednog rukovodioca donosi ovakvo rješenje?"

U tom pravcu, dostavljamo Vam sljedeći odgovor:

"Shodno članu 57. Kolektivnog ugovora za državne službenike i namještenike u organima državne službe Kantona Sarajevo rukovodilac organa državne službe će, na prijedlog neposrednog rukovodioca, donijeti rješenje kojim se osnovna plaća državnog službenika i namještenika uvećava za procenat do 20% za period u kome, pored poslova svog radnog mjesta, privremeno obavlja i poslove drugog radnog mjesta, pod uslovom da ima najmanje stručnu spremu radnog mjesta čije poslove obavlja.

Temeljem ovih odredbi, a u vezi sa članom 9. i 48. Zakona državnoj službi u Kantonu Sarajevo, Belmi Barlov, direktorici Zavoda za izgradnju Kantona Sarajevo, uvećana je plata za 20% u odnosnom periodu obzirom da je, uslijed deficita kadra, pored poslova obuhvaćenih radnim mjestom direktorice, obavljala i poslove šefa službe za pripremu investiciono – tehničke dokumentacije i ugovaranje radova u Sektoru za izgradnju objekata i opremanje gradskog građevinskog zemljišta. Predmetno rješenje potpisao je premijer Kantona Sarajevo koji



web: <http://vlada.ks.gov.ba>
e-mail: sefkabineta@vlada.ks.gov.ba
Tel: + 387 (0) 33 562-068, 562-070
Fax: + 387 (0) 33 562-211
Sarajevo, Reisa Džemaludina Čauševića 1



potpisuje i druge akte kojima se uređuju prava i dužnosti iz radnih odnosa direktora samostalnih upravnih organizacija.

Cijeneći odredbe pozitivnih pravnih propisa kojima se uređuju pitanja iz radnih odnosa direktora samostalnih kantonalnih upravnih organizacija, nesporno proizilazi da imenovana lica imaju pravo na naknade i druga materijalna prava kao i lica koja imaju status državnih službenika. Činjenica da u Zavodu za izgradnju nema lica neposredno nadređenog direktorici Barlov, ne znači da ne može ostvarivati jednaka prava pod istim uslovima kao i ostali uposlenici naročito cijeneći da se prava iz radnog odnosa direktora samostalnih upravnih organizacija, izuzev imenovanja i prestanka radnog odnosa, gotovo u cjelosti regulišu istim propisima kao i licima koja imaju status državnih službenika. Sugerirano tumačenje gore citiranih odredbi značilo bi nadalje kako je dodatak na plaću moguć samo za one uposlenike koji imaju dva nadređena lica (neposredno nadređenog i rukovodioca organa), čime bi se besmisleno diskriminirao veliki broj uposlenika javne uprave, prevashodno uzimajući u obzir da su najčešće uposlenici koji rukovode odjelima, sektorima i konačno i cijelim organima državne službe, uslijed deficita kadra, primorani obavljati poslove drugih radnih mjesta.

Napominjemo kako se svako rješenje koje potpisuje premijer razmatra i, u slučaju potrebe, traže dodatne provjere i utvrđivanje činjeničnog stanja, tako da nije moguće samovoljno postupanje i odlučivanje rukovodioca organa državne službe o ovim pitanjima.



DOSTAVITI:

1. Naslovu,
2. a/a.



web: <http://vlada.ks.gov.ba>
e-mail: sefkabineta@vlada.ks.gov.ba
Tel: + 387 (0) 33 562-068, 562-070
Fax: + 387 (0) 33 562-211
Sarajevo, Reisa Džemaludina Čauševića 1

